



Informativni list o izdavanju boravišne dozvole u svrhu zapošljavanja medicinskih tehničara prema dogovoru o posredovanju preko BiH agencije za rad i zapošljavanje (član 6 II Zakona o zapošljavanju)

U svrhu podnošenja zahtjeva potrebno je priložiti sljedeću dokumentaciju:

- **Pasoš koji** važi najmanje 10 mjeseci (i 2 fotokopije).
- 2 potpuno popunjena i **potpisana** zahtjeva za vizu uključujući i pouku.
- 2 aktuelne **biometrijske fotografije**.
- Taksa za obradu zahtjeva u visini od **150,00 KM**.

Dodatno je potrebno priložiti sljedeće (u originalu i 2 fotokopije):

- **Dvojezični ugovor o radu** potpisan od svih sudionika (Agencija za rad Köln, Agencija za rad i zapošljavanje BiH, poslodavac iz Njemačke i i podnosilac zahtjeva).
- **Dokaz o poznavanju njemačkog jezika na nivou B1**.
- **Diploma o završenoj četverogodišnjoj srednjoj medicinskoj školi** (završno svjedočanstvo i svjedočanstvo za sve 4 godine) **sa Apostille pečatom i prevodom** na njemački jezik.
- **Dokaz o položenom državnom ispitu sa Apostille pečatom i prevodom** na njemački jezik.
- **Saglasnost Savezne agencije za rad Keln** prema članu 6 II BeschV.

Molimo obratite pažnju na sljedeće:

Medicinski tehničari koji namjeravaju da se zaposle prema dogovoru o posredovanju, moraju da imaju regularno završenu državnu srednju medicinsku školu, tj. u okviru četverogodišnjeg stručnog obrazovanja. Njegovatelji, koji su stekli diplomu u okviru prekvalifikacije, trebaju da podnesu zahtjev za vizu prema članu 17a Zakona o boravku. Molimo da se pri tome obrati pažnja na informativni list „Podnošenje zahtjeva za boravišnu dozvolu u svrhu priznavanja stečenog obrazovanja u inostranstvu prema članu 17a Zakona o boravku“.

Ambasada može uzeti u obzir samo certifikate priznatih ponuđača. Certifikati na dan podnošenja zahtjeva za vizu ne smiju biti stariji od godinu dana. Molimo da prije podnošenja zahtjeva za vizu obavezno obratite pažnju na zasebni informativni list „Dokaz o poznavanju njemačkog jezika u viznom postupku za izdavanje vize“.

U pojedinačnom slučaju moguće je da se zahtijeva dodatna dokumentacija. Podnosioci zahtjeva su prema čl. 82 stav 1 Zakona o boravku obavezni da sarađuju u postupku podnošenja zahtjeva. U slučaju da se dodatno tražena dokumentacija ne dostavi, postoji mogućnost da će zahtjev za vizu biti odbijen.

Adresa:

Skenderija 3
71000 Sarajevo

**Predaja pasoša prilikom
podizanja vize:**

od ponedjeljka do četvrtka:
09:00 do 11:00 sati

Telefon:

+387 (0)33565380

E-Mail:

visastelle@sarj.diplo.de